



UNIVERSITÄTS-  
BIBLIOTHEK  
PADERBORN

## **Mariae Virginis Sacratiss. Miracvlorvm Libri Tres**

**Vismara, Ercole**

**Mediolani, 1579**

Mirac. Virg. XXX. E maris fluctib, Virginis pietate, & ipsamet ducente, uir  
qui peregrè proficiscebatur, emergit.

---

[urn:nbn:de:hbz:466:1-64305](https://nbn-resolving.org/urn:nbn:de:hbz:466:1-64305)

## MIRAC. VIRG. XXX.

*Ex maris fluctibus, Virginis pietate, & ipsamet ducente, vir,  
qui peregrè proficiscbatur, emergit.*

**E** piscopus cum plurimis aliis peregrè profici-  
cens, nauim conscenderat. grauitè afflictam  
& ualde quassam nauim uidens nauita, de illa  
actum iam esse existimans, quae fluctus recipiebat,  
una cum episcopo, & aliis primatib. in lyntem de-  
scendit. illuc certatim omnibus confugere nitentib.,  
unus labens in mare submersus est. Eos, qui in nauim  
permanserant, de imminente periculo nauita certio-  
res facit; qui Deum innumerabilib. uotis obsecrabat.  
Dum od coelum iam manus omnes tetèdissent, sta-  
tim nauis ab undis fuit abrepta. Hoc uidens Episco-  
pus, non sine dolore, & lacrymis illorū animas Deo  
piè commendabat. Quinetiam idem oculos nunc in  
hanc, nunc in illam maris partem uertens, submerso-  
rum cadauera intuens, è turbulentis undis exeun-  
teis candidissimas columbas uidit, quae celeri uola-  
tu superas coeli parteis transcendebant. Pro certo ha-  
bitum est, eas esse illor. animas, qui in mare decide-  
rant. Episcopus, qui prius illor. uicem doluerat, sibi  
eandem mortem maximis uotis exoptabat. Ad littus  
iam lyntem appulerat; cū sibi omnes oblatum uident  
superstitem, & in collum illum, qui primum in ma-  
re prolapsus erat. Laeti igitur omnes ob restitutum  
amicum, quidnam ei salutem adtulisset, percuncta-  
bantur. Eis ipse respondit: dum laberet, ex animo

Vir-

Virginem inuocauit, quae mihi misericordiae mater, cum sub undis essem, auxilium tulit, meq. ueste sua uelans, nunc ut uidetis, hucusq. deduxit. Id audiens Episcopus una cum ceteris omnib. laetè, ac piè Deū, Virginemq. aeternis laudib. efferebant.

## MIRAC. VIRG. XXXI.

*Pij quidam uiri, fracta naui in mari, illa uerba recitantes FELIX namq. es sacra uirgo Maria, superstites ad littus eiekti, periculo liberantur.*

**M**aris tempestate unà cum plurimis alijs, coenobij praefectus agitabatur. quare metuentes omnes, ne morti dederentur, alij hos, alij illos coelestis in periculo, immortalia uota suscipientes orabant, ut sibi essent propitij. Videns praefectus à nemine Virginis nomen inuocari, dixit, cur alios precamini; eius uerò, quae nos magis seruare potest, nullā retinetis memoriā? Rem piam certè geritis; sed meliùs uobis consultum erit, si unà omnes Dei genitricem aduocabitis. Quod ubi intellexere, eam omnes obtestabantur, ut sui miseresceret. Praeterea praefectus, quamuis inedia fessus esset, toto .n. biduo tempestate ingrauescente, nullum cibum ceperat, unà cum alijs illam hymni partem memoriter recitabat; FELIX es sacra Virgo, & laude dignissima, quia ex te ortus est sol iustitiae Christus Deus noster. His piè peractis, in suprema ipsius nauis mali parte tplendidissimam lucem conspexerunt, quae noctis tenebras admirabilem splendorem afferens dispulerat